

迦陵詞全集

迦陵詞全集卷三

宜興陳維崧其年著

邵陽王又且黃湄

弟 維岳緯雲
宗石子萬 叅閱

新城王士祿西樵

武進董以寧交友 選

男履端 校

吳江葉舒崇元禮

姪賜薛

柳含烟

本事

靈和柳弄晴春輕颭江南綠水東風陌上又河邊得人憐
亂搭瓊樓絲一把故與玉郎牽惹而今香絮滾斜暉幾
時歸

散餘霞

十六夜卽景

元夜暫晴
此宵復雨

昨宵皓月涼於粉浸萬家蟬鬢花下幾兩車兒翠盈盈偏
穩今夜紅燈成陣被雨絲淹盡一隻銀鴨床頭鎮厭厭
春困

好事近

一名對
船滿

同友人過野寺

春水碧於天還與晴山賒翠歷歷幾家烟店綴山邊水次
鶯聲喚我過溪橋撲帽煖香墜風弄杏花低處露前村
小寺

隔院聽琵琶

拍徧小闌干何限塞鴻明滅老去怕逢節候正落紅時節
沙塲病卒插檀槽隔著隣垣說似訴少年陳事有玉樓

金埒

夏日史蓮庵先生招飲卽用先生喜余歸自吳間

過訪原韻

分手柳花天雪向晴窗飄落轉眼葵肌初繡又紅欹欄角
別來世事一番新只吾徒猶昨話到英雄失路忽涼風
索索

丙辰早春得雲間張洸侯寅冬所寄書

春水錦鱗通忽把故人墨跡一紙三年纔到訝紅牋無色
當初高譙五茸城盡江東裙屐記得傀俄酒態有瓊筵
醉客

食蟹憶南耕

時南耕以禮
斗齋宿道院

溪友饋霜螯細擣蠻薑漫喫更聽糟床細注賞半窗晴碧

游仙今夜憶曹唐正鎖旌陽宅料在醮壇深處倚石床
吹笛

郟城南傾蓋亭下作

落日古郟城一望禿碑蒼黑怪底蝸黃薑紫更薜痕斜織
我來懷古對西風歇馬小亭側惆悵共誰傾蓋只野花
相識

漁父家風

贈梁溪趙叟

十年小閣自理名不愛賣丹青隨身并少林逋鶴人比惠
泉清 花一樹酒三升了浮生朝來微醉拍手憑闌雨後
新晴

荊州亭

題扇上琵琶行圖

苦竹黃蘆想像溢浦潯陽悵悵半幅小丹青畫出東船西
舫白傅青衫已往商婦琵琶猶響無限斷腸聲只在行
間紙上

眉峯碧

春夜見新月

寶馬縈簾押金斗薰珠袷一團醉玉怯春寒斜向紅綉
無語拋銀甲且自偎香鴨半鈎纖月柳梢頭問誰偷把
青天插

琴調相思引

一名玉
交枝

元夕後二日夜雨卽事

綺陌將收五夜燈後堂鎖到第三層畫簷殘燭細雨恐難

勝歌板敲愁飛火鳳枕函貯夢結紅冰覺來還記踏月
六街曾

誤佳期

偶作

枕上春醒猶害樓上東風偏大金籠鸚鵡喚人來忙出花
陰外不肯把簫吹那便將花戴臉波底事十分紅莫誤
將人怪

憶秦娥

夢至石城盤馬覺後賦此

桃花埒依稀醉犯青溪雪青溪雪草頭一點玉驄明滅
驄騎桁前人欲別錦衣倉後鐘初絕鐘初絕一場春夢曉
鴛時節

清平樂

長至前五日適吳門諸子有填詞社初集之舉同
集余澹心秋雪齋是夜風雨

關山如許不醉卿何苦酒潑鵝黃嬌似乳領受高齋夜雨
莫愁濕透苾鞋道傍醉倒須埋不見長洲苑裡年年落
盡宮槐

友人以媛女詩見示作此以代寫哀

紅珠辭掌絮果因風颺跌碎菱花樓上響人與舞鸞同往
昨宵粉壁金闈今宵孤冢棠梨思子臺前月落女墳湖
畔鴉啼

夜飲友人別館聽年少彈三絃限韻

夜香燒罷樺燭通宵話曲項檀槽聲不啞銀甲憑伊搯打

只圖漫撚輕籠誰憐雙袖龍鐘少日紅筇北里年來白髮西風

簷前雨罷一陣淒涼話城上老烏啼啞啞街鼓已經三打漫勞醉墨紗籠且娛別院歌鐘怪底燭花怒裂小樓吼起霜風

歡場纔罷去對孤檠話欲擊唾壺聲盡啞可惜孤城浪打一宵柳簇花籠何時萬戶千鐘塵世風波似海狂奴談笑生風

憶少年

秋日登保安寺佛閣

半村紅蓼半村烏柏半村黃葉寺樓偏作勢欲斜穿山脊檻外霜楓眠正貼被西風陡添鱗鬣閣中僧夜語有猿

吟相接

阮郎歸

爲靈雛題畫

吳綾一幅滑如脂江南好畫師長松幾樹碧離離斜添斑
竹枝 烟似水雨如絲榜花簾外垂更題半闕斷腸詞樊
川杜牧之

畫堂春

春景和少游原韻

今年愁似柳條長春宵夢斷昭陽杏花着雨隔籬香瘦不
成粧 十載流連蜂蝶半生淪落湖湘殘紅幾斛撲衣裳
和淚同量

小春

不寒不煖好年光
依然在江鄉
春人偷嫁與冬郎
便小何妨
記得年時嶺外梅
妃猶未勝粧
如今花滿紙糊房
組紫成行

武陵春

第一體

舟次虎丘

四面吳山爭窈窕
濃綠卷歸舟
寺外人家橋上樓
春水盡情流
玉簫祠前斜日漾
惹起舊時愁
石上苔痕青未休
曾做少年游

鬲溪梅令

小寺

花前小寺背春城
不知名
森森夕陽金剎着
波平風光難畫成
阿師洗鉢趁新晴
隔溪行
閒鎖堦前梅萼一枝晴

僧維學弄笙

海棠春

閨詞和阮亭原韻

春闈金麥微微響。青鳳脛輕移銀網。睡眼恰初睜。一片紅酥漾。隣姬眉黛遙山樣。怪昨日邀儂相賞。遮莫繡簾前。有箇人張敞。曉粧

惺忪春夢何時足。拚畫揜銀屏六曲。繡倦歇鴛針。藏在沉香褥。藕花衾壓桃花肉。微睡醒低呼小玉。何處弄瓊瑤。似夏瀟湘竹。午睡

韓馮啄破鞦韆影。瓊扇裏春醒初醒。半晌卸金蟲。小試蘭湯冷。後堂憎殺青銅鏡。怕照見雲鬢未整。莫道少人窺。天上堆金餅。晚浴

紅粧枕上啼紅雨。且坐聽玫瑰雙杵。織手剔蘭煤。樓外賓
鴻語。馬蹄連夜堂堂去。偏無賴。三更譙鼓難捉。是蕭郎
不比牀頭塵。夜坐。

題美女圖爲閨人稱壽

智瓊年小逢珍偶。多少事燈前酒後。夜合自開花。推動珠
簾口。植奴笑覓南朝手。圖倩女爲娘稱壽。一笑溜橫波。
媚靨紅於酒。

閨詞再和阮亭韻

依稀聽得菱花響。三竿日紅完珠網。半晌注橫波。無數髮
雲漾。粧成誰見靈蛇樣。分付與百花閒賞。一座麗春樓。
盡把軒屏敞。

盡長嫌煞鳥三足。誰耐唱摩訶池曲。好夢遠如天。落絮平。

於○柳○ 彤○墀○火○迸○紅○榴○肉○簪○不○穩○一○枝○寒○玉○怯○暑○那○成○眠○
走○迎○銀○塘○竹○午晴

夜○堂○月○上○無○人○影○小○鸚○鵡○困○酣○難○醒○正○好○試○金○盆○一○斛○紅○
泉○冷○ 浴○餘○借○得○瓊○爲○鏡○誰○愛○取○冠○兒○重○整○低○髻○卸○偏○荷○
茉莉○園○成○餅○此消

綠○絲○燭○泪○多○如○雨○搗○盡○了○月○中○嬾○杵○鏡○聽○擬○來○朝○私○卜○簾○
語○ 坐○深○裙○子○紅○都○去○早○又○是○三○通○蕉○鼓○談○解○小○郎○圍○
桂○枝○斂○爲○塵○夜坐

桃源憶故人

人日感舊

畫○簾○垂○處○春○光○亂○百○感○最○難○消○遣○記○得○風○斜○彩○燕○小○立○珍○
珠○院○ 歲○華○又○到○粘○鷄○宴○砌○下○春○蘭○尚○淺○人○日○春○人○不○見○

日近人兒遠

春日過澹生較書所居舊址

酒闌曾過平康宿風颭繡簾
簌簌紅板橋連西曲微雨櫻
桃熟而今風景傷春目不見
沿溪花竹齊麥平疇搖綠
蛺蝶和烟逐

秋日曬扇見故人王湛斯畫柳賦此志感

天涯乍遇宣城叟御苑聽砧
時候曾寫幾行疎柳勸我青
門酒別來往事消沉久只有
齊紈在手露葉烟條依舊
解與愁眉鬪

重游惠山寄暢園懷秦對巖檢討

松湍百道喧晴雪冷瀑何年
纔歇水上瘦梅如鐵眠補紅
橋缺從軍年少巴陵客三載
金笳畫戟莫聽楚天百舌

千里同明月

攤破浣溪紗

雨泊秦郵

十頃孟湖碧似烟
四圍蒲稗水連天
清鳥群飛聲格格
戲長川
獨對烟波思往事
那堪風物又殘年
且貰秦郵城
下酒撥湘絃

冬閨

綺疏六扇掩
瓊花影翠
恩淡和衣學
綰翻荷新樣
髻日將西
有恨篝前銀鴨睡
無情箏上鈿蟬啼
獨對水仙花
絮語太悽迷

山花子

送姜學在由吳門之宛陵清明掃墓

魯國男兒是孔融如今流落號吳儂燕子柳條能釀恨舊
江東謝眺樓邊樂布社琴高潭上石尤風送爾片帆春
上冢雨濛濛

眼兒媚

過城南小曲感舊

青樓斜拂小春池池上綠楊枝態奴歌管念奴絃索唱盡
新詞重來行過章臺弄往事少人知半湖碧浪滿園
竹萬種淒其

冬夜聽梧軒舉填詞第二集

軒在吳伯成先生署
中同集爲瀟心園次

簫聲山夫吳
澗雲側靈本

風剪蘭煤夜漸深泉響答清音官齋此夜鱸膾斫玉梅
金
含金茂苑酒醒剛幾日浮拍又如今年紅豆五湖黃

葉費盡行吟

朝中措

平山堂懷古用歐公原韻

我來弔古傍隋宮。板渚雨濛濛。依舊平山堂外，淡烟疎柳，
長空。年年此地，漫天榆筴，著地東風。大息韶華，幾換游
人，猶想仙翁。

客中雜憶

層層簾幙靜焚香。紫篆裊縹緲。翠鴨嬌擎磁鼎，紅獅滿貯
銅缸。如今寂寞，孤燈黯淡，細雨淋浪。料爾春蠶撥火，爲
儂也費思量。香

家鄉綠雪翁南山採摘不曾難。三徑風鱗瓦，銚半廊竹瀝
松澗。昨朝悔未攜將茶壺，同上長干，却憶蘇門四友曾

經日給龍鬪茶

看花常傍隔村籬。携取折枝歸。沙綠膽瓶，
烏皮端相側正，屏當疎密。用盡幽思，記得臨行，
鬪汝香

綿裹好軍持膽瓶

燈昏酒盡不勝情。倚幌聽三更。惡草隣牆，
馬齒亂滋，別館

虫鳴。家園此際小樓半掩。纖月初生。多少幽坊，
寄一片棧根三絃子

寄一片棧根三絃子

疎狂子野住臺城。擲笛舊知名。劈裂鐵龍，
醉嚼蓮環，梅風

嬌鳴。消磨幾月，干場疎炬，一夜鵝笙。今日偶然，
閒想片

綠已似前生蘇笛

青欄雕檻盡臨河。簾內水仙多。記得半塘初買，
小船輕

鳴。衰砧盆歸貯紅泥。密壟錦石斜。迤今夜，
州廊雨，帳

人與爾婆娑水仙

瀨菴檀萼綴蕭齋。幽韻襲人來。乍可酒邊私喚，偏宜鬢底微開。而今不見，踏殘小迳，尋得蒼苔。側帽臨風不語，幾般愴舊情懷。臘梅

畫眉斜挂畫簾東。愛汝語音工。食器官窰，漲碧藥欄，小架扶紅。人今牽絆一般惆悵，兩處鞦韆。寄語憐香舊侶，風前早爲歸能。眉下

紅魚明鱗映滄漪。相間倍離離。卵色天裝，玳瑁桃花，木葉臙臙。休嗟盆沼外，邊雪瀉風，駭濤飛輪。爾翠漣拍甃，有

人濠上相知。沼內紅魚

半生書癖墨成飛。氣壓鄴籤，強寒夜添香炙，砌調娛閒弄朱黃。一身作客，牛腰易取，鶴背難裝。羨殺千年老蠶，錯

穿故紙休糧

書卷

三字令

閨情

紅蕤枕卓金車兩相於酒醒後夢來初挽郎祛郎欲去且
徐徐 煩塞馬倩江魚寄他書休信宿莫躊躇錦鷄城金
雁驛是郎居

太常引 第一體

坐積翠閣同吳剛次賦

古苔繡壑亂泉鳴鳴咽說生平耳畔恍推箏是落葉聲耶
雨聲 畫廊潑翠茶鎗翻雪趺坐證三生碧透小銅餅斜
挿朶黃梅更清

歸去來

憶石亭老桂兼寄竹逸雲臣

憶醉石亭山塢倚桂葉深處下是誰家高人墓落英飄下
如雨蒼莽中原路並不見秋香一縷月中只剩團團樹
掛芳醕相憐取

河嶺神

題秦郵露筋詞

湖上水連天湖光捲盡寒烟玉娥一去幾千年盡日凝粧
儼然漠漠雨絲飄碧瓦人在女郎祠下一樹紅梨開謝
明朝又是春社

臨津古城隍廟下作

石竹響巖巖一行斷壠荒丘無人野渡水爭流土城蔓草
含愁古廟陰森涼氣瀉楓葉映來都藉門外寒濤暗打

錯疑簫鼓村社

醉鄉春

秦對巖携具寄暢園舉填詞第三集

銀甲開時偏悄綠水昏時勝晚雙粲枕百嬌壺好景世間
都少人對燭花微笑袖向蘋風輕昏玉山倒臉波橫酒
痕一點紅窩小

咏茶花

鼎內乳花將溜瓶裡玉花先逗眞皓潔太玲擘雪暗茶園
如繡葉與花情相關花與葉芬相糝將嫩蕊比幽蘭幽
蘭還遜三分瘦

茶瓶兒

咏茗

綠卷茗溪顧渚拍茶婦繡裙如雨攜香茗輕盈笑語記得
飽娘一賦 邀陸羽煎花乳紅闌日暮玉山半醉約幃護
且消酌奴佳趣

極相思

夜飲友人所阿雲待余不至畱詞而去歸後和之
如塵如夢如絲脉脉意誰知歸來恨晚休搖屈戍慢叩扉
恩 一陣碧虛窗外雨三通鼓人去多時空畱彩句蜜花
箋淡鳳脰燈欵

思夢

濕雲未斂香蟬斜倚枕屏前分明昨夜依稀往事院後廊
邊 下了紅簾擎翠鑑悄不覺笑靨微圓濛濛脉脉如塵
似影記也難全

好事近

補遺

坐羨家墩懷呂忝字

閒坐竹林邊綠暗暮禽啁哢
跂脚科頭笑傲更主人投轄
萬竿叢篠畫陰陰風動聲敲
戛憶昔悲歌痛飲有疎狂
呂八

迎陵詞全集卷三終

廬陵詞全集卷四

宜興陳維崧其年著

同邑史可程遵庵

弟

維岳緯雲

叅閱

滿洲成 德容若

選

武進鄒祗謨程村

男履端

校

錢塘吳任臣志伊

姪賜薛

西江月

咏史

姊妹猗兒孫策妹歸顧曲周瑜雀臺高處瞰三吳羨爾清
歌妙舞 一望江東人物孝廉枉逞雄圖朱桓前持大王
鬚文有才高子布

過投金瀨懷古

有女江頭擊絮何人道上吹簾我來弔古悵空祠曠望幾
重雲水 覆楚爭誇伍相沼吳又說西施淮陰往事亦如
斯成敗皆由女子

題六合孫公樹捧書圖

公樹伯觀先生孫先生官舍人賜書最多

李白開元供奉當年恩禮偏隆賜書稠叠出深宮玉軸牙
籤鄭重 絕妙文孫才調翩翩王謝門風捧來亂帙悉當
胸月落華清如夢

過馮唐故里

酒罷燕歌竟歇途窮趙瑟難求滹沱水抱太行流行過鄆
南關口 疋馬霜天古磧三河玉勒長楸翩翩過客半鳴
駟笑爾馮公白首

夜宿何雍南齋中

一場奇書繚紹三間老屋欹斜天寒沽酒撥琵琶消盡丹
徒客夜 南浦零簫剩管西風社鼓神鴉他年夢亦識君
家家在寄奴山下

庭栢約予與柱茶村同詣且訂燒猪以待臨行復
以一語堅之曰來朝風雨如何茶村笑曰除是
天降紅雪吾輩便不赴阿師此會也翌日果大
風雨茶村作詞戲柬因依韻答之

莫道從無絳雪眼前花雨通紅枉勞燒肉梵王宮食指朝
來不動 云把芒鞋滑滑擬聽腰鼓鞞鞞如何也懶趁齋
鐘君笑曰吾從衆是日茶村亦未赴

雨

故國金戈鐵馬衰年退筆殘書心情渾似欲棲鳥偏惹連

天絲雨 風掣紅旗縱獵雨昏銀燭呼盧此聲記得不會
無那便淒涼如許

喜見獅兒

猛獸產於絕域驍騰來自安西一呼百物盡披靡何論獅
奴鴉子 我顧灰頹若此兒應跳盪如斯神仙將相詎難
爲萬事取之以氣

昔日游梁枚叔兒生此地名臯滑稽敖弄解詼嘲曼倩同
時絕倒 我意殊爲不爾詩書莫悞兒曹憑他上樹日千
道長大耘瓜撲棗

兒已健如黃犢翁何此日纔來怒濤雪浪吼長淮兵火連
天四載 細聽吳音小却戲投柅救旋迴怪孃奩畔有于
顰笑問客家何在

牽狗高辛集上呼鷹埳澤門邊願兒無若宋人然莊獄之
間不遠 六歲定歸家塾有甥與汝齊年爾風亟趁下江
船取萊東吳正賤

留春令

感舊

燈前喝雉樓頭繫馬山腰射虎曾放顛狂百千場要數徧
何從數 一霎渾河風葉舞捲舊游何處誰滴他鄉萬般
心是隔箇窗兒雨

少年游

感舊和柳屯田

奉誠園內小斜橋曾記近花朝
簾錢庭院築毳天氣春草
綠裙腰 而今不道心情換
飄泊墮江皋
眼底人疎
心頭

事滿斜凭木蘭橈

怨三三

秋懷

離離秋水正拖藍滑又如簪擬峭烟帆南曉南浮笠澤把
黃柑夏時曾種風柎與鄰叟追涼笑談今日得霜酣樹
猶如此人則何堪

偷聲木蘭花

懷戴无忝客成都

前年建業秋將暮今歲蠶叢春又去別後思君望盡南天
不見雲竹郎祠畔紅棉好濯錦江頭紅鯉少湘雨巴烟
不寄成都十樣箋

雨中同吳天篆過飲徐竹逸齋頭次天篆韻

熟梅時候蘇蘇雨遙望君家疑隔浦我墊巾來小坐歐公
畫舫齋 觥船何用頻催酒鷹爪鳳團須瀹取說鬼談經
風味依稀退院僧

題范女受小像

昔年女受在舟中隔舫
有誤認爲余者故及之

君挑獨夜江船火隔舫有人呼似我仔細披圖骨瘦顛
清我不如 孤松峭壁疑無路嘯向此中尋藥去可許狂生
化作猿猱逐隊行

題關東席端伯小像

畫師要寫蕭疎意先畫綠楊絲蹴地斑竹闌干傍倚高人
興邈然 五侯七貴粉榆盛家本遼陽爭借問總不關渠
只愛荷香撲異書

題南水上人詩卷尾

六朝僧話三生事，雨後人歸花下寺。我最憐渠不數琴聰，與蜜殊。
東坡呼惠聰為琴聰，仲殊為蜜殊。借師禪板為歌板，唱到江東春。又晚晴絮茫茫，縱使無愁也斷腸。

咏錢

青蚨鑄就開元字，相看似有圓圖意。欲籛還慵惱煞輕狂小沈充，擲來好卦全無准。買來好事多無分，榆筭由他偏逐東風不着家。

城頭月

秋月感懷

西風吹得冰輪淡，桂影平於簾深巷。疎砧嚴城哀柝做出秋聲慘，月中一片朱旗閃粉堞。青霜染萬里關河百年身世倚幌聽更點。

月下

水輪偏向城頭挂河漢寥寥夜一片關山千秋楚漢萬帳
更齊打何如移向東湖舍照荳棚瓜架草響溪橋水明
山店兒女追涼話

河傳 第一體

五色鸞粟

曉鶯無賴也把啼痕花間沾灑幾絲絨線東風分派暗將
濃淡配 繡勺白白紅紅態黃和黛野圃層層界朝來小
摘簾外趁他微雨賣

煨芋

黃茅新蓋土銜溫磨霜簷低矮撩人幾陣芋香無賴送來
籬落外 凝脂沃雪融仙瀝餘甘在塞上酥堪賽黃梁未

熱休待飽迎朝旭曬

河傳 第二體

豆莢

隴上曉鶯低唱豆莢初嬌小姬一色綠裙腰迢迢暮野橋
悲歌楊暉家居久三杯後慣種南山豈豈花棚下月參
參溪南閒尋漁叟談

秋夜雨

本意

小樓細裊愁絲綠和烟扶上庭竹飛來簷瓦響都瀉作奔
渾秋瀑 雨肥越顯孤燈瘦展夜衾欲睡難熟別院絃柱
促正滾入淋鈴哀曲

醉紅粧

立春前一夕寄暢園小飲時有柳姬翩何在座同

園次賦

殘年屈指不盈旬晚峰愁翠黛玉杯餞臘漾紅鱗風動
處酒微數柳條偷報隔宵春歌宛轉態橫陳來早春休
園內討鴛帳底有春人

玉園兒

初冬寫懷

西風吹老清秋節迸寒空蕭蕭老鐵參片疎砧數行落雁
一城楓葉斜陽雨後明還滅映千年殘碑斷碣太息何
爲有杯休放逢花須折

探春令

庚戌元夜

去年客裡度元宵人正慊慊病懔懔師廨後黃梅嗅想洛
下春燈盛今年準擬酬春興奈陰晴難定擁香篝仍剔
殘燈半盞似去年心性

咏窗外杏花

係叔祖殿
元公舊宅

崇仁宅靠善和坊舊雕闌都壞問玉樓人醉今何處只一
樹花還在紅香籠帽歸鞭快更何人能戴到如今和了
滿城微雨頰上街頭賣

試燈夜對雪

六街料理做元宵奈雪兒偏下小鸚哥隔着鞦韆架將六
出花輕罵滿城何處尋羅帕掩重門睡罷想年時多少
畫橋深巷一片紅燈掛

南柯子

蝶庵花下送蘇生仲補游京師

生善奕

帶醉翻棋局，伴愁惱綺筵。笑他柯爛，不知年輪爾纔拈紅子，便通仙。挾瑟龍池上，鳴鞭鳳闕前。妙齡絕藝，有人憐可憶江南，分手落花天。

席上贈讓侯時客有語及蔣大鴻者因并憶之

菊瘦人迴，權橙香客，研筆相逢。曾在鳳凰城，記爾飛揚跋扈。舊時名侯，萍梗成遺，叟嶒嶒任老兵。停杯忽憶杜陵生，今夜一鉤新月若爲情。

午睡

磁枕搖新竹，藤床蔭瘦桐。人間亦有廣寒宮，半畝荷亭幾陣藕絲風。簾滑涼於水，幃虛翠若空。花陰得失鬧鷄蟲，覺後掀髯一笑夕陽紅。

迎春樂

本意

車兒似水裙兒複斜結着黃金犢趁嫩晴半醉誰拘束穿
徧了閒坊曲 髯禪綉幡簪百福早暗裡品紅裁綠方勝
殿銀蛾春已在釵頭簇

訶梨領子蝟躡項都倚在斜橋望指春竿百尺隨風漾早
一對春人上 隊隊勾芒籠綠仗狂煞了六街鞋鞦盡道
打春歸銀蟻底家家唱

韭黃洩就牢九巧紅酥滑銀匙攪正內家恰鬪櫻桃小爭
覓取金盤咬 從此春城春未了有無數春花春鳥撲蝶
與聽鶯且次第將春討

立春日啖春餅謂之咬春立
春後出游爲討春牢九餅名

春衣圍定春來路花似海香成霧囑今年春到春休去拚

一世和他住
燭罷東皇心暗許
向鬢影盈盈低語
來歲杜鵑聲誰聽
恁催春暮

憶餘杭

東臯客舍待毛亦史不至

一樹梅花千頃碧
耐盡春寒
暝不得閒愁如雨
雨如愁點點
點在心頭
飄零心事
誰知道
又是天涯寒食
到春江盡處
是婁江
目斷水雲鄉

醉花陰

重陽和漱玉韻

滿院黃花
趁白晝
絲雨篩銅獸
今夜是重陽
不捲珍珠陣
陣西風透
一從秋怨
關心後淚
駝輕羅袖
生怕小樓寒
慢去登高
坐到爐烟瘦

至吳門喜晤澹心園次展成旣庭石葉諸君感舊

有作

昔年想見舉橋下總是清狂者惜別泰娘家淚駝胭脂水
了鮫綃帕如今漁火楓橋夜照沈腰堪把黃葉似情人
也愛飄零不肯歸來也

初秋劉篤甫以詞招飲次韻奉酬

簾紋柳浪相零亂淺立烟廊畔徙倚早凉天闌茗捶琴短
憤由他岸南華手注纔踰半聽得提壺喚一醉莫思鄉
只恐江東蓴鱸招張翰

夏日小有堂中看丘近夫朱致一葉九來諸子投

壺

滿院松風鳴瓦銚碧淨苔堦好喬木翳新潭水濫閒凭又

貼荷錢小 人間萬事何時了無計除煩惱激矢躍蓮花

出手成驍暫博天公笑

拜史云玉女投壺
每中天公爲一笑

撲螢

齊紈似粉誰新研愛把潭香惹金屋夜無人熠燿初流笑
覓輕羅打 迎涼不是閒貪耍指定花陰罵千古好雷塘
總是伊家做出興亾話

紅窗睡

冬夜

花影枝枝牆上界晴月把小紅樓曬三更巷口西風大惹
猶兒寒吠 輕薄楊花心性改知何處酒旗戲鼓輕狂難
耐薰籠銀鴨却恹恹長在

咏櫻桃花

一樹垂垂搖繡幌光映得小樓都絳無風誰觸花枝響墮
繁紅兩兩 細雨似聞鶯細講香堦下美人休折讓花全
放待他成顆鬪白家唇樣

河傳

第三體

新茗

穀雨嬌女微遵綠掩輕攜翠管拍茶初櫻笋厨一縷夜燭
煎雪乳 酒惡愁將繡衾浣龍團破頓覺春醒妥藉庭莎
翠茗柯羅羅北窗幽興多

河傳

第四體

黃薔薇

櫻桃已謝牡丹開罷薔薇滿榭夕陽漫漫一架低亞檀痕
污粉帕 黃鸝一色枝頭罵臊龐怕誰送金丸打畫廊東

繡花叢芳絨施朱近也慵

河傳 第五體

紫鵝蝶花

低蟬墻陰微暈簾罅露濯烟梳滿園妃紫趁晴鋪紫紆傍
裙裾 玉娥撲徧花間路誰飛去絛扇今番誤有時粉翅
疑花鬢輕扶問伊如不如

河傳 第六體

虞美人花

楚歌四面戰旗一片歲歲江東此花漬透還是垓下重瞳
舊啼紅 劉郎原廟空千古咸陽樹銀雁飛何處英雄兒
女誰憐總付東流野花愁

怨王孫

詠觀音柳

一名花柳爭春弱德垂絲花作淺綠色

小卉清綺籠窗拂水柳宿垣中河陽縣裡春絮枉自天邪不成花烟姿露葉依然裊腰逾小添得花枝好莫拋隋苑好向水月金鉶聽潮音

立春戲東園次時夜有柳校書在寓

柳色如此住爲佳耳未到飄綿已經蘸水隔巷趙女彈箏沒心情卷有趙姬亦圖兄所歡博山熏燄沉香火衫兒鞦微覺東

風大麝衾夢醒驚問還是寒宵是春朝

徵招調中腔

冰雪兼旬試燈前一夕始有春意

是誰錯料春光點費幾許東皇周折昨始繡完半絲兒豈喚紅上雙頰雖暄嫩煦增妍悅似乍嫁新娘生怯小糝

樹邊一些春已漸滑小禽舌

雨中花

雨中看桃花

絲絲香雨催儂去。依依人柳畱儂住。住也無聊去還有恨。去住渾無據。今歲桃花千百樹。去年人面應非故。萬點胭脂一行清淚。總是消魂處。

雨窗咏梅和南畊作

連日春工寒勒住。繡不滿枝頭。嬌嫋一點胭脂半。廊香雪。開在無人處。漫倚畫簷垂玉筍。我含淚細爲花訴。四海青衫六宮紅粉。幾陣風和雨。

咏薰籠

一架紅篝涼似水。相偎靠玲瓏。莫比斑竹無塵。疎篁偏瘦。

小鴨中間睡。縱向形奩多轉徙也。只在簾前被底繡幔
縈時。錦鞋閣處。往事難提起。

杏花天

咏滇茶

穠春冶葉朱門裡。弄東風紅粧初試。殘鶯天氣香綿墜。悵
悵最宜著此。見多少江南桃李。斜陽外翩翩自喜異鄉
花卉傷心死。日斷昆明萬里。

題震修杏花小照

虎頭食肉通侯相。君本是詞場飛將。紛紛餘子真厮養。自
署五湖之長。慈恩寺春從蝶釀。紅綾讌餅如月樣。杏園
指日鞭絲漾。鬧煞賣花深巷。

浪淘沙

專諸巷看穀梁買鼓槌

綠水滑如油漲滿銅溝柳花伴我作閒游青溪鼓槌紅架
子別樣風流 買了且歸休單絞岑牟世間定有此人不
須向金闕亭下路打散春愁

趙問波處士坐臥一小樓十年不入城市邑宰高

其誼以脫粟餽之詞以紀事同閣次賦

酒盡恰天寒鹿柴

音柴

若恒關沒勞麴米想雲安盡日療飢惟

黛色多謝青山

花縣忽分餐猿鶴齊歡溪南村老杖藜

觀怪汝炊烟飄一縷瑞雪同看

夏雨寫懷

纔惱聽啼鴉又奏林蹕青趺誰爲買流年舊日榆錢都使
盡且換荷錢 陰雨太綿綿淚一般般霞紅驚射粉籬邊

誰道晚霞偏釀雨明日依然

題園次收綸濯足圖

澗瀨幾千堆
濺雪轟雷巨
鰲映日挾山來
舞鬣揚鬐爭
跋浪晝夜喧
應濯足碧溪隈
一笑沿澗龍窩
蛟窟莫相猜
我有珊瑚竿
不用不是無才

和容若韻

鳳脛罨殘燈
抹麝中庭臨
岐摘阮要人聽
不信一行金雁
小有許多聲
今夜怯涼更
茶沸笙瓶夢中
夢好怕他醒
依舊刺桐花
底去無限心情

雪中舟次語溪

枯柳挂疎汀
夜火星星
昨宵西水驛
邊停猶記津樓
綃幔底誰喚銀瓶
寒氣逼空舫
客夢初醒亂帆
又過語兒亭

我與六花同一例隨路飄零

戀繡衾

春暮

鶯鶯春夢弄夾衣壓爾干凭損玉肌小玉向紗窗報坼紅
牆園笋乍肥馬蹄得得穿花外正鄰家蕩子早歸歎櫻
桃都謝了怪伊行沒箇信兒

昏昏綠水乳燕飛蹙香紅堆滿地衣梳洗罷登樓望見長
天一碧四圍行人更在天之外問地名甚處武威想郎
處枝頭鳥并無杜宇勸歸

月照梨花

送緯雲弟渡江之廣陵

鐵瓮隱隱怒濤滾滾鼓宋掀梁淘吳洗晉誰泛水調清謳

是隣舟 望中一抹斜陽恨可憐
消盡六代金粉老夫還
記舊揚州紅袖悠悠滿江樓

河傳 第七體

楊花

藏鴉時候當初縮住永豐坊口
絲絲踈地蘸春波雨後和
烟籠翠牖 如今滿院喧晴雪
香綿積滾盡東風力
茜袂 迷翠廳斜楊花一生不着家

河傳 第八體

玫瑰

疎籬半掩輕風斜
麝濃香幾點藥闌邊
纒繞綰盈盈紫艷粉
嫩勾睡臉 頻呼小玉私
擧取提籠去小摘盈階
雨撲白芬沿蘚痕
續紛刺兜金縷裙

河傳 第九體

榆錢

蕩漾誰傍輕如蝶翅小於錢樣拋家離井若爲情薄然江
東落絮天年年苦被東君鏡啼鴉訴賤賣韶光去張晴
湖剪春燕糝糊漫空下五銖

摘紅英

咏落花

具珠絡倉琅鑰如塵似夢連天落香車嗔朱闌凭畱他不
住喚他不應花前約春前諾玉娥含淚思量著粘犀釘
銷鴛徑憎他蕩子憐他薄命

迎陵詞全集卷四

四

惠立堂

迎陵詞全集卷四終

迦陵詞全集卷五

宜興陳維崧其年著

栢鄉魏勳亮采

弟維岳緯雲
叅閱

德州謝重輝方山

選

宗石子萬

平湖陸菜義山

男履端

校

如皋冒丹書青若

姪賜薛

鷓鴣天

贈吳中狎客

白帽紅靴態可憐
短簫橫笛興翩翩
曾教錦瑟房中曲
慣請朱門灞上田
人似月夜如年
何須彩筆賦甘泉
朝來煨渌堆紅雨
猶擁廬兒醉意錢

秋日撥悶作

一派涼秋似鏡湖西風蕭瑟雁啣蘆樓頭竹暗晴難妥枕
底橙香酒易酥傷老大笑髯癯霜紅露白轉躊躇雙魚
苦笋擱街賤不見鉗奴并態奴

咏朱子京賜內人

路出繁臺遇玉顏柳花如夢撲雕鞍倚他才子吟紅杏博
得君王賜綠鬟鶯嚶嚶烏闌闌粉娥笑語繡帷間郎君

幾燭脩唐史底事邀靈李義山

子京詞內彩鳳靈犀一語皆用義山成語故戲及之

七夕後一夕路次淮陰作

袁浦風流習亂灘楚州織月臥微瀾今宵新惹雙星怨此
地原嗟一飯難車歷碌軸班蘭故園回首好溪山赤車
應詔渾閒事靡得征塵沈旅顏

謝史遷座先生惠新茗

竹院風爐夢正長，綃封箬裏十分香。
龍團搗罷雲生日，蟹眼煎成雨沸窗。
拚冷淡，儘奔忙，不如閒事好商量。
人間別有真南董，新註茶經四五章。

苦雨和蓮庵先生

簷溜淙淙徹夜聞，曉山沒却髻鬟痕。
風掀竹尾敲詩夢，雨凝花鬢濕茗魂。
拋短杖，閣清樽，蒙頭敗絮睡昏昏。
誰傾銅狄千年淚，瀉入瞿塘兩峽門。
此首用少游韻

入夏端然似涉秋，粉雲陰重不曾收。
那知四月之間雨，做就中年以後愁。
兒女恨，霸王籌，濛濛都付兩溪流。
碧天何日紅霞襯，並徧江南小畫樓。

曾控吟鞭驛館遙，紅氍馬上夢初消。
雪登麥積秦箏苦，雨歇叢臺趙女嬌。
泥滑滑，髻蕭蕭，故園仍傍斬蛟橋。
老夫

輸却龍孫徙挾雨齊抽十萬梢

園苑仙人杖過眉陡然春去也成悲新愁落下銅駝曉舊
事堯年老鶴知閒握槊悶彈棋漫天絲雨且題詩寄來
數闋淋鈴曲我在街南中酒時

以上俱用
稼軒韻

寓興用稼軒韻同邁庵先生作

析屣吹簫吳市間恨無大藥駐紅顏詩情浩蕩風前絮身
計微茫海外山耽放浪恣蕭閒烟波境界十分寬新衍
麩部兼茶部舊署園官并橘官

曾倚瑤臺啜月行嗔他鸞鶴不相迎當時酒態公然好今
日詩狂太瘦生千百輩儘容卿問誰堪與耦而耕灌夫
已去袁絲死淪落人間少弟兄

墨栗開邊已放芽枝頭梅子着些些勤過小圃招晴蝶問

倚疎林數點鴉 無箇事帽簷斜 風光消得晚還家 陡然却憶前生事 看徧蓬萊碧奈花

元夕前二日聞南耕原白諸子雪中有龍池之游

作此調之

瀟瀟街泥未肯晴 群公高興愛山行 一行翠榜歛烟滑幾隊紅 黿映雪明 真寂歷劇凄清 寺橋猶欠一聲鶯 歸來更值街燈落 兩地風光醉不成

贈莊山人七十

雨後晴鬢翠可捫 風前霽縠綠成痕 桃花開徧防漁父 蝴蝶飛來認耳孫 書滿架 酒盈尊 舉家耕讀任乾坤 也知丸藥今晨懶 偶愛聽鶯過別村

贈李匪菽

篋裡還存寶劍篇舍旁已買漢西田
蓼莪久廢中年後鴻雁難尋絕塞邊
撲帽雪隔離烟綠楊絲隱釣魚船
難封休恨君家廣仙李由來結大年

金鳳鈞

春夜同展成飲御之齋頭感舊

東風裡綠桃樹幕記起年時見
汝紅芳正好濃香乍飽俊
眼相看如許如今花放長洲路
只是我朱顏非故舊情
如夢閑愁似海闊插花鬢細數

河傳 第十體

新筍

新筍初引烟梢墜粉花闌蒸
菌斑痕隱隱舞透銀墻翠
吟小園春已盡
釜中一斛瀟湘碧
霜刀劈糝毛
河狹白齒

幾箇龍碣屏他時成龍破壁飛

河傳 第十一體

櫻桃

丹穎倭墮雨蕭蕭昨夜前村板橋筠筥兩岸賣櫻桃嬌
玉纖會亂招 搓絮替將金彈打流鶯罵含霞流丹液凝
閣東颺晚風朦朧翠樓都染紅

河傳 第十二體

青梅

認否如豆春歸不久。亞檻青垂。映簷絲透。纖符小摘輕攜。
奈他翠滑何。粉娥貪結纍纍子。纔拈起。觸着酸心事。將
梅仁妾意。兩樣試。郎懷定誰憐。

鵲橋仙

咏竹逸齋頭紫牡丹

歐家碧好彭門紅好總讓伊行清綺畫欄纔放數枝花映
百丈銀牆都紫相公袍帶頭廳印綬凡艷那堪相比試
將花色細形容烟凝得暮山如此

花名紫袍金印王勃詩
王閣序烟光凝而暮山

紫

七夕同蓮庵先生暨諸公飲楨百堂中漫賦

天邊枕簟人間瓜果此夜嫩涼分取次公原是醒而狂誰
耐乞七襄殘縷穿針樓下凭肩殿角何限喁喁私語只
因烏鵲事荒唐誤盡了許多兒女

蒙城舟中讀雲臣蝶庵詞

蒲河滄楚盈船蒜酪鬱鬱吾其誰語江東詞客盛如雲別
去伴長淮鹽估紅蓮半綻碧鱸正得醉任無情今古讀

完半卷碟庵詞吹鐵笛酒然而去

題前柳

本意

曉粧前有一樹黃金縷
倍嫌媚如秦樓上
蠻腰樣只思眠纔
欲抱便如烟
謝綉幙輕縈姿愈俊
勝長街拋擲堪憐
莫倚輕狂甚便成
綿飄陌上舞河邊

玉樓春

生日邀陸景宜崔不雕飲廣陵酒家醉後題壁

天涯作客傷心極
廣陵花月無消息
百錢且上酒家樓
終當埋我陶家側
此兒自是難衣食
相逢幸是曾相識
左呼陸厥右崔駟
四十今年余竟得

春夜同雲臣遠公天石諸子燕集原白池亭次雲

臣原韻

紆人最愛金蟲軟，障燭更憑羅袖展。
酒船風動感紅鱗，歌板烟籠啼紫燕。
城頭側聽三更轉，玉漏漸深還道淺。
明朝重揭綉簾斜，花底醺醺應未捲。

南鄉子

咏春蘭

三月玉街寒，錦雨絲絲不肯乾。
飄得賣花聲到了，春蘭一
盞清芬勝麝檀。對此憶家山，手折紅苕不忍看。
還記那年寒食夜，幽歡人在花香鬢影間。

邢州道上作

春色冷并刀，一派酸風捲怒濤。
並馬三河年少客，粗豪皂
林。中醉射雕。殘酒憶荆高，燕趙悲歌事未消。
憶昨車

聲寒易水今朝慷慨遺過猿讓橋

夏日午睡

新竹暑中庭荷蓋初齊水南亭屋小如幃無客到常扇
几藤牀矮紙屏
變夢翅真真行向槐安國內經正拜南
柯真太守遺醒一片松濤沸枕檝

螢

露井坐三更無數幽輝印水精忽地流將深竹去身輕却
把深圍綉幔縈惆悵記前生繡瓦曾經弄月明閒話江
都隋煬帝含情扇嬋輕羅撲不成

咏呂仙堂葡萄

誰放白毫光萬串晶毬綴講堂
髣髴諸天瓔珞會颯颯
母輕盈出海洋碧椀瀉瓊漿
何必金莖肺始涼寄語

姬休浪晒須嘗似否卿家十八娘

和放公春暮感舊原韻

老去杜樊川怕學啼紅小蜀鵲花謝花開關底事風前捲
了蓑衣上釣船 回想也徒然往事如塵又似烟偏是阿
師忘不了情牽滿院鶯聲賣酒天

搗衣

悄悄線垣陰鷺聽誰家響暮粘不是此聲聽不得關心自
情離愁萬種深 夜夢別秋衾趁了西風返故林滿巷砧
聲都一樣沉吟黃葉村扉那處尋

虞美人

渡江

白蘋花盡凋寒玉舫艇搖空淥秋潮恰比簾紋平趁此日

斜風細剪江行 最憐黃歎墳頭土多少
今和古年來生 怕說興亡笑指楚天新雁兩三行

咏鏡

香奩涼鑑鱗金獸背壓蛟螭鈕玉人偏妬
小菱花慣是團圓兩字不如他 翠鸞莫道心如鐵
春筍曾提挈紅塵沈處奈他何我亦受人憐惜爲人磨

靈璧縣虞姬墓下作

八千子弟來江左 單騎嗚我誰歎歌者楚聲高還是吾
家舊日典連服 美人駿馬英雄槩一死千秋在荒祠莫
恨枕寒田賤妾孤墳長在大王前

無聊

無聊笑撚花枝說處處鵑啼血好花須映好樓臺
休傍秦

關蜀棧戰場開
倚樓極目添愁緒
更對東風語好風休
簸戰旗紅早送鱗魚如雪過江東

端午閨詞

綠窗輕剖鵝黃繭
更把紅絨剪製成一對小於菟
傍嵌繫絲綉葉
碎真珠
盈盈暗繫綃裙下
但願無驚怕
莫嫌此物
避鴛鴦
會熾虎兒明歲出蘭房

朱砂撚入銀壺酒
此意郎知否
與郎染就好心腸
休戀舊蒲北埜別家香
粉和水麝金盤內
雨過荷珠碎
一生多是紅榴更愛畫花小字號忘憂

靈符殿上香雲膩
綉虎釵頭睡
守宮駢賜粉
蟾蜍還刺立
綉牛於裏脚
燈前笑把檀郎踈
誰道諸般毒
東家蠟
經過西家多恐薄
情心性劣於他

年年競渡喧歌唱。雪屋崩銀浪。如今不見木蘭桡。門掩一庭微雨。讀離騷。風前皓腕纏紅縵。往事依稀數。多時忘却辟兵符。今歲重新提起。暗嗟吁。

吳門遇嘉禾沈馨聞追感延令舊游賦贈

與君且醉楓橋酒。往事思量否。夜烏筵上盡情啼。曾看兩行紅粉黛鬟低。建封去後秋娘老。燕子樓空了。阿誰留得最長條。重倚東風。再闌沈郎腰。

題徐渭文畫花卉翎毛便面

扇畫虞美人花并秋蝶

簾櫳水浸剛初夏。夏淺勝春也。數枝白白與紅紅。飄到一雙秋蝶粉濛濛。愁看劉項興亡史。且讀南華子。漆園栩栩過牆來。笑爾閒花。還傍月明開。

賦得一枝紅牡丹

綠窗濃晝逢初夏滿院花都謝昨宵絲管醉沉香重放一枝欄角闌紅粧曲廊軟幔嬌難畫提起開元話楊妃帶笑綻紅鮮不數阿姨粉面夜朝天

秦園小憩

綠莎廳折風廊去是我曾眠處萬條柳線暈簾櫳無限狂奴春夢在其中花間郭橐駝來了也較年時老海棠枝上坐流鶯認否劉郎前度問他聲

吳門春暮重見楊枝

千絲萬縷隋堤柳往事思量否楊花飛雪暮春時又向鱗諸巷口見楊枝酒旗漾在臯橋下醉殺休論價半襟鶻血染東風可似尚書筵畔舞衣紅

追感令肥先生

夏日登舟遇雨小泊北郊却寄南耕天篆二子

銀潯作陣溪花舞雙蝶如何去半畝綠箬昏潭香分取水
禽飛處一絲涼 禿衿翠茗煎花乳可少留儂處湖山大
似有鄉情故遣石尤遲我不成行

泊舟垂虹橋不及過晤舍妹同緯雲弟悵然賦此
碧鱸紅稻江村市森森重經此夜深水調起隣船記得不
曾聽已十多年 北風漸釀蓬窗雪心事和誰說匆匆忘
發大雷書望裡汀花沙鳥暗南湖

過青駝寺感舊寄示胃子青若

昔年雲際隨予北
上于此地遇青若

魯山更比吳山翠路入青駝寺亂峰怪石鑿圍墻墻裡人
家一半棗花香 當初有箇卿家燕與汝天涯見曉風殘
月憶從前不道因循過了十餘年

夜行船

月下汎舟水繪園同冒巢民先生賦

蘭橈輕點春流碧
蘸垂楊絲絲無力
百頃簾紋一泓香黛
人在短篷吹笛
更愛月華波上白
影娥池水禽飛拍醉
吸玉鱗狂呼霜兔可認騎鯨仙客

醉落魄

春夜微雪

春閨日暮輕寒已著
櫻桃樹博山小篆飄香縷
斜掩青樓
一陣銷魂雨
夜深珂雪偏難住
金尊小泛蘭陵醕酒紅
漸入香肌去
嬾剔金荷細對菱花語

咏鷹

寒山幾堵風低削
碎中原路秋空一碧無
今古醉袒貂裘
略記尋呼處
男兒身手和誰賭
老來猛氣還軒舉
人聞

多少閒狐兔，月黑沙黃。此際偏思汝。

夜游宮

秋懷

耿耿秋情欲動，早噴入霜橋笛孔。快倚西風作三弄。短狐
悲瘦，猿愁啼破冢。碧落銀盤凍照不了。秦關楚隴無數。
蛩吟古磚縫，料今宵靠屏風無好夢。

秋氣橫排萬馬盡屯，在長城墻下。每到三更素商瀉濕龍
樓暈鴛機迷爵瓦。誰復憐卿者。酒醒後，槌床悲詫。使氣
筵前舞甘蔗。我思今古之人，桓子野。

箭與饑鴟競快，側秋腦角鷹愁。態駿馬妖姬秣燕代笑。吳
兒困雕蟲矜細欵。齷齪誰能耐。總一笑浮雲睚眦獨去。
爲傭學無賴。圮橋邊有猿公期我在。

一派明雲薦爽秋不住碧空中響如此江山徒莽蒼伯符
耶寄奴耶嗟已往十載羞厮養辜負煞長頭大賴思與
騎奴游上黨趁秋晴踈躑躅花西嶽掌

踏莎行

次舟河橋

別酒纔醒離程乍遠蘭橈斜閣烟中飯霜華昨夜濕銀簪
夜深記有人低喚腸斷難禁魂銷何限隣舟商婦箏聲
換一分明月照河橋橋頭船裡愁千萬

咏帳鉤

玉色無痕粉光欲研一生管住春風鱗紗幘凝望碧如烟
憐伊蕩漾何曾挂顛處輕盈控來低亞流蘇絳在銀球
下月明風細漸琮琤依稀似說春宵話

冬夜不寐

舊恨如絲新寒似水兩般都着人心裡五更刁斗汴梁城
一天風雪成皁壘古寺鐘生隣牆月死枕頭欹遍如何
是半生孤憤酒難澆挑燈且讀韓非子

西村隣叟餉予梅子豆莢玫瑰薔薇滿器賦此謝
之

北郭澆花南山種豆筠籃入市紛如繡半肩愛惹蝶蜂爭
一生怕聽蛟龍鬪問訊鄰翁寄聲溪友向時風景依稀
否前村渡已綠多時野橋梅定黃如舊

夏夜感舊

月挂樓櫺風吹沼面水天閒話人微倦些些只許枕頭知
星星生怕流螢見街鼓三更淚痕一串如今舊事思量

徧他生須讀淨名經。小樓已署回心院。

南畹花徑成

雜卉葳蕤群葩蔥峭紅英紫萼紛相照。藤蘿深巷碧如天。
薔薇低架平於帽。韻事堪矜癡情可笑。隔隣蜂蝶都知。
道今年僅爲乞花忙。明春客定提壺鬧。

虞美人 第二體

春夜舟行

紅泉碧杜殊清麗。白舫紗窗閉。春江人在鏡中行。船樓鳳
脰一枝橫。夢難成。漁蠻踏浪尋村酒。爛醉歌銅斗。蝦籠
灣口賽黃牛。三更珠露濕船頭。似清秋。

蝦籠陽
羨水名

惜分釵

偶作

擊劍罷追風射當時旁若無人者過橫塘喚名倡痛飲狂
歌說霸論王堂堂花枝謝人兒嫁無端夢醒西樓下袖
郎當淚淋漓一種心情滿院斜陽悵悵

臨江仙

一名庭院深深

賦得睡起宛然成獨笑數聲漁笛在滄浪爲園次

題帳額畫幅

西塞山前無六月半間草閣臨流晚來都聚打魚舟笛聲
四起劃碎一江秋正值南柯初罷郡槐陰磴戰剛休兼
天波浪打閒鷗寄聲三老今夜轉船頭

七娘子

春閨

紅檠斜照人無語圓冰對漾春無緒陌上鶯啼梁間燕乳

夢中怕到銷魂處 小樓春色固難住 斜橋春水流將去
三月時光一年節序 水晶簾外兼纖雨

花間虞美人

爲廣陵何茹庵題像

像在荷潭竹嶼間
旁有兩輦人侍

角弓硬箭黃金犯 須上凌烟畫不然 脫帽五湖天藕絲篔
粉伴茶烟亦前緣 雄心畢竟輕餘子 知我佳人耳雙援
裙帶繞花行涼軒水檻十分清說平生

小重山

泊舟松陵城外未及一晤舍妹賦此寫懷

颿如陣馬驟晴空 一條銀練吼走虬龍 回頭烟樹失吳宮
靈巖寺塔影尚籠從 榭葉滿湖紅檣燈和估笛點空濛
夕陽船已過垂虹 無由泊心事一杯中

迦陵詞全集卷五終